

մանտիս Վասիլի եպիսկոպոսի սակս բաշխման և հաւաքման քաղաքական տրոյք ընդ Ասորիս եւ ընդ Ղաթիս, այլ ոչ այնքան կարեւորք։ Ի սմին ժամանակի շինեցաւ վերելից դուռն Ս. Առաքելոցն Պետրոսի և Պօղոսի, 'ի տաճարի Ս. Յակոբայ, յանփուտ փայտէ, 'ի յիշատակ ննջեցելոց հեղահոգի Յովհաննէսի, որպէս ցուցանէ արձանագրութիւնն, 'ի թուին Հայոց՝ Պե. (1356)։

Յոյն արաբացի Պատմիչն յառաջ բերէ աստանօր, թէ 'ի սմին ժամանակի Պատրիարքն Երուսաղէմի էր Սոփրոնիոս, որ վարեաց զիշխանութիւն իւր ամս 46 ընդ իշխանութեամբ Մեմլուքաց, յորում բնակիչք Պաղեստինոյ տառապէին յերեսաց արշաւանաց և աւարառութեանց այլազգեաց, զի նախարարք եւ իշխանք Եգիպտոսի երբեմն նշկահելով զՍուլթանս իւրեանց, ինքնագլուխ յառնէին 'ի վերայ իրերաց, և տարածեալ զգէնս իւրեանց մինչեւ 'ի սահմանս Երուսաղէմի, գործէին զմեծամեծ չարիս, ըզնոյն առնէին և զօրք Թաթարաց որք նստէին յԱսորիս, աւերելով զերկիրն և կողոպտելով զբնակիչս, և ոչ ոք էր որ ձեռնտու լինէր Երուսաղէմի բառնալ զվերահաս չարիսն, և ընդդէմ կայր աւարառութեանց, որպէս արարին Դամասկոսի, Բերիոյ, Ղազգէի և Ռէմէի. եւ զօրօք Սուլթանն Ֆիրուճ յԱսորիս, եւ նուաճեալ զապստամբսն եկն յԵրուսաղէմ, և յետ տարւոյ միոյ յարեաւ 'ի վերայ նորա չէյի Մաշուտ՝ մին 'ի դշխաւոր նախարարաց իւրոց, և ընկեցեալ զնա յաթոռոյն, ինքն նստաւ 'ի տեղի նորա, որով սաստկացաւ ատելութիւնն, խռովութիւն և սպառերազմն, (1356)։

Աւանդի 'ի ձեռագիր Ճաշոցի 'ի գրատան Ս. Աթոռոյս Երուսաղէմի, այսպէս։ Ի սմին ժամանակի առաւ Աղէքսանդրիս, և քրիստոնեայք աշխարհին Պաղեստինոյ կային 'ի մեծի նեղութեան եւ 'ի տառապանս. փակեցին այլազգիք զգրուես եկեղեցեաց, ընդ որս և զտաճարին Ս. Յարութեան ամս 4. և յընչից քրիստոնէից 'ի չորրորդէն զմի մասն առին. զբաղումս դարձուցին 'ի կրօնս իւրեանց, և զբաղումս սպանին. եւ զմեզ զամենեւեմնս առէ՝ եգիւն 'ի խաւարչտին բանտի. և ազգի ազգի նեղութեամբ չարչարեցին զամս 4։ Զէրեցս, զարեղայս և զեպիսկոպոսունս երկիցս առեալ տարան 'ի Դաղա. եւ զերկուն արեղայս 'ի